

肖

巖

詩

鈔

肖巖詩鈔卷七

涇上道  
趙良燾編  
徵甫著

別猶子雷生

橐筆隨人馬首東  
一時去住竟難同  
生雖與爾俱耕舌  
遠道悲余獨轉蓬  
最苦杜陵貧賤  
難應漢城老夢魂  
通讀書且養丹霄  
翮會見扶搖積厚風

出都

因人碌碌欲何爲  
假道南歸計亦宜  
回首五城雲冉冉  
驅車千里意遲遲  
味成腐鼠從他嚇  
學到屠龍隱自疑  
祇有讀書堪送老  
郡齋且下董生帷

時赴

歸德郡守彭山  
泉西席之約

道上口占

夢回茅店雞徒御促裝齊  
夾道濃陰合穿林馬色  
迷非關干澤出未忍託巖  
栖羸得征途苦風塵面  
日皚

謁楊忠愍祠

忠愍英靈陟此堂  
照人遺像肅風霜  
竄名竟敢欺  
中主得禍非關引  
二王萬古雲霄畱  
浩氣滿城柳  
鎖散清香九重他  
日搜遺疏終見奸  
雄伏憲章  
祠圯已甚感而賦之

忠似椒山百世師縱教頑懦亦與思憑誰說與維  
風吏清俸捐來葺廢祠

過田光故里

強秦肆蠶食趙虜燕必亡太子胡爲者膝行見田  
光因光交荆軻捧圖入咸陽誰知利匕首不及提  
藥囊東孟殺韓相窟室戕吳王豈無專聶徒一擊  
洞中賜軻術旣已疎光謀固未臧以死明勿泄計  
窮徒佞佞

遊夏氏園林二首

小園占得滿城縣名春、聖主巡遊賜額存夏國學生夫婦

年皆九十有餘  
聖祖仁皇帝賜之聯額  
當日君民同樂意至今

魚鳥戀深恩  
開軒石展層雲色  
繞砌池甃半月

痕所惜驅車來  
獨晚不逢高士倒清尊  
夏家多蓄美醞以待

過客之投以詩文者

暫憩林泉大道旁  
絕無塵色上征裳  
茶烟繞榻游

心寂樹蔭橫  
空入夏涼  
從古名園多馬廐  
此間老

屋尚書堂

夏有孫爲諸生於園中開館受徒

我來覽勝觀題壁五

字湘南獨擅場

壁上石刻甚多而湘南張燦詩尤佳

### 定州道中

中山河朔險  
武力天下強  
魏趙肆吞并  
戈鋌氣飛

揚下逮炎宋時北鄙連遼疆嘉山遺古砦屯戍傳  
孟良清時洽文德嚴城罷兵防我車行坦道弔古  
臨斜陽坡公昔出守州民藉保障飛石吟雪浪松  
膠傾羽觴詩酒暇不廢軍律嚴且詳奈何適嶺表  
不得登巖廊却歎韓子謫能召衡山祥征鞍送千  
里了了見太行

次壁間韻

燕南兼趙北辜負故園春行役不知日關河能老  
人來逢朔雪密歸及黍華新逐逐成何事銜杯一

愴神

肖巖詩鈔卷七

三

渡滹沱河

滹沱河水流渾渾驚濤洶涌連雲屯心疑萬怪藏  
其內魚鼉蛟鼉紛競奔驅車到此安敢涉欲招舟  
子趨河濱唇焦口燥未得渡饑愁交迫心如焚憶  
我初來水猶涸兩邊隄岸高嶙峋長橋架木覆以  
土往來晝夜交蹄輪春夏泉源正騰沸大戲山頂  
如崑崙上流雖細下流鉅大波爲瀾小波淪居人  
拽橋置高阜權以小艇通長津此策傳自宋周革  
較視浮梁多費難同論却恐通都行旅衆得操緩  
急生姦民失船賣壺索高價過客傾盡囊中緡我

聞王政備于預，枉梁舟楫隨時新。火旣朝覲道路，  
塞單襄用是知亡。陳況此迅流，號危渡過涉滅頂。  
殊酸辛，誰將旅困告官吏，毋徒竊祿羞河神。

趙州

長途六月試征車，拂袖炎風撲面沙。今日始知禪  
味永，解人饑渴趙州茶。

沙河

繞流襄國水，潺潺拍岸洪。濤阻往還馬，上驚沙兼  
酷暑。解衣安得浴湯山。沙河源出湯山上，  
有湯泉可以愈疾。

次壁間韻



題壁有何意惟嗟行旅艱我來逢暑雨亦復歷間  
關老馬悲長道棲禽戀舊山思歸歸未得辛苦客  
中顏

擲鄆贈沈友三同年

故人出宰試烹鮮沈憲才名自昔傳應使脫囊虛  
處士何須伏枕夢神仙訟庭日靜搏槐影官閣風  
清裊篆烟吏治都從經術起如君始不負遺編

和沈友三韻

千里相思入夢尋山川烟樹鬱沉沉行來燕趙風  
塵地分得衙齋雨夜衾蓮幕話逢親串密羽觴飛

感主情深才華製錦還多暇手檢新詩對客吟

政餘誰與課題詩對鏡掀髯費苦思招飲客來花

片片

支三有自題坐  
花招飲圖詩

催耕吏去雨絲絲

又有自題  
雨後催耕

圖交情自覺醇于酒官味寧知勝似飴他日郡樓  
傳八詠真如沈約剖符時

### 登叢臺作

辛苦常爲遊子吟叢臺勝地偶登臨太行紫翠西  
來盡 帝闕雲霄北望深欲繡平原絲可買空懷  
呂祖夢難尋連宵下榻逢賢宰得破愁城酒滿斟

### 叢臺懷古

亭臺突兀壓城闕雪洞天橋莽棘荆探轂未充三  
月餓照眉誰掃半池塵議成胡服能強趙妄入函  
關欲刺秦地下王孫呼不起晚鴉秋柳總傷神

國賢祠

智勇能完璧和衷肯負荆椎牛晏邊士穴鼠却強  
秦四子當時傑遺祠百代新如何從反間故國竟  
沉淪

羅敷村

燕趙佳人自昔聞燈前勸客酒初醺誰知選舞徵  
歌地猶有羅敷笑使君

趙王城

平原好客今何在  
主父爭雄業未成  
古道秋風荒草裏  
饑烏啼上趙王城

渡漳河

漳河流浩蕩  
勢敵淮與黃  
新秋積雨後  
百谷增汪洋  
敝車不可涉  
待渡立夕陽  
賴有賢主人  
爲我招舟航  
中流發長嘯  
懷古心慨慷  
昔者漢祚衰  
阿瞞竊其綱  
詐戰克強敵  
滿志縱色荒  
掘地得銅雀  
築臺施匡牀  
臨終有遺令  
瑣屑及分香  
奸雄氣欲盡  
兒女關情長  
總帳人未散  
石馬勢方張  
疑冢竟何

有烟樹空青蒼人生有大義富貴安足常不見漳  
水側徒令來者傷

安陽道中

洹水東來照鬢絲欲尋先澤步遲遲

先伯父湖岸  
公會爲邑令

邑人至  
今思之

姓名未覺生前異草木能畱去後思甲第

千秋懷畫錦韓陵片石訪殘碑安陽文物都堪誌  
莫遣循良績獨遺

過湯陰弔岳忠武次壁間韻

尚有湖山未屬金何曾魂魄睠湯陰十年應唾燕  
雲手三字徒甘君相心從此小朝無北伐却畱大

樹向南森中州父老猶垂涕載酒牽車望眼深

### 又次前明人韻

忠武祠臨大道旁中興心事比汾陽兩宮北狩蒙  
奇禍百戰南來得小康竟使斬王歸鬱鬱誰生奸  
檜問蒼蒼英雄從古多遺憾何必前身是姓張

原詩

謂張桓侯是  
忠武前身

### 旅店阻雨

一雨連宵不肯晴泥塗滑滑阻人行客懷正自愁  
無奈又聽秋風攪樹聲

### 稽侍中祠

王師敗績蕩陰東，鼠竄禽奔剩侍中。  
一死從容登翠輦，千秋廟貌倚芳叢。  
御衣勿浣悲駭帝，正氣常存感信公。  
較視華亭思鶴唳，機雲雖枉愧孤忠。

扁鵲墓

執技固非易，求醫良獨難。  
縱能逢扁鵲，誰復異齊桓。  
我有腹心疾，斯人墳墓寒。  
塵途驅馬去，何處索仙丸。

高橋阻水

積雨折溪橋，橋低水復高。  
道迷無轍跡，天遠有波濤。  
久客情懷惡，思鄉夢寐勞。  
淇川無檜楫，欲出首

頻搔

舊聞層嶂裏衛武有祠堂未得淵蘋薦徒吟淇澳  
章間途尋綠竹懷古歎宣房此地從多水來朝更  
渡黃

比干墓

三仁同一道尤覺剖心難四字題尼父孤忠識比  
干舊邦經幾徙抔土至今完亦有批鱗者龍逢骨  
獨寒

由淇縣至衛輝作

朝從淇上行羣山拱我前暮投汲郡宿回望山延



綿橫側各異態高下長亘天龍泉與牛嶺窈窕如  
爭妍茲地韓魏郊咫尺敖倉連孟門枕後險大河  
帶前川勝槩旣雄踞靈氣尤蜿蜒鍾爲英傑人不  
朽名常傳所以聖敬後迭生六七賢泪乎黍離變  
猶存淇澳篇盛德稱睿聖箴戒垂耄年我來千載  
下陵谷形屢遷何處覓綠竹但見生寒烟驅車過  
殷墟懷古心慨然

擊磬亭

游魚聽鼓瑟攆馬仰鳴琴況以聖神德而傳憂擊  
心斯人雖石隱片語亦知音千古空亭在聲流直

至今

延津道中

古邑尋酸棗輕車涉亂流水深過馬腹草蔓上墻  
頭旅客能無悸田家爽有秋韓王臺尚在夾道望  
如浮

傷馬

嗟嗟辛苦遠遊子入坎出坎偶不死我徒我御俱  
倖生我馬何辜獨遭此自從六月出都門兼旬一  
雨無朝昏波流浩蕩沒官路行人但認垂楊樹延  
津之地尤低窪破汗溢陌橫無涯馬行失足入淵

底振鬣張蹄憤不起豈無一躍檀溪流所苦羈絆  
從梁輶道旁救者不及馬鴻毛命已重泉下我生  
奔走爲饑驅歷艱涉險猶有圖悲哉此馬胡爲乎  
古人仁民兼愛物敝唯敝蓋今俱無惟有拊膺迸  
淚臨長途

汴梁

積雨初收見夕陽中州雲樹遠蒼蒼夷門俠客思  
公子雪苑詞人感孝王漫向遺臺尋鼓吹須知大  
地屢滄桑試登鐵塔觀秋漲高壓都城一帶長

汴梁早行

繁臺燈火照征裳  
夜半驅車出大梁  
馬足摧頽秋雨積  
蟬聲搖曳曉星涼  
河流勝國傾天險  
地勢橫人比戰場  
往代遺墟悲過客  
高低華黍壓平岡

行蘭陽堤上作

黃流東抱白雲低

白雲山名

日勅千夫畚揭齊  
自古治

河皆下策至今買土築長堤  
暫遊客尚憂魚鼈秋

汛防如畏鼓鼙太息礪山猶赤子  
此心忍作壑隣

圭

時河決礪山論者謂江南既決則中州之患可舒

早乘涼月走輕車  
燈火垂楊一帶斜  
隄岸有聲屯夜浪  
際天無恙燦朝霞  
黎陽渠決思周譜  
瓠子宮

成憶漢家誰領河隄能底績好教沃土遍乘麻

道上口占

秣隸千堆土萬堆年年預備大河災牛車夫鋪無  
時息費却 官家幾許財

一堡纔過一堡連誰云防盜比防川秋來日夜驚  
風浪稽席橫陳隄下眠

背枕河隄面水溝三間破屋似漁舟不堪卑溼烝  
人甚又值濛濛細雨秋

積水彌空蕩夕暉田園草樹辨依稀小舟忽挂輕  
帆至知是農人刈黍歸

早行車中作

客行畏殘暑策馬五更前微覺曉秋爽了無塵夢  
牽稀星低古戍淡月墮空烟羣動聞雞出何人得  
晏眠

至歸德

飄零琴劍且依劉馬首東南至宋州習禮臺高嘉  
樹靜協忠祠古陣雲收天低綠野愁多雨地拆黃  
河怕入秋暫向郡齋分一席爲魚亦動旅人憂

遊文雅臺

束髮讀四子仰止如高山廟堂有禮器惜未遊其

間偶來古宋州高臺猶可攀昔者仲尼德卒遇司  
馬桓小人不知畏肆然敢伐檀斯文天所護橫逆  
何足患當時習禮地百代誅茅營臨池做堂宇刻  
石畱聖顏弟子數冉閔位置左右班俯仰足興感  
如親炙杏壇後來有傑士此地誠賢關奈何秦氏  
下聖籍遭摧殘梁王啓雪苑愛客工文翰遂招鄒  
馬輩日夕從遊觀我欲掃詞賦悉心事仰鑽古學  
恐難復瞻拜徒長歎

聽饒梅田彈琴

先生真大雅對客自彈琴杳爾空庭寂悠然太古

心翠濤生畫壁幽澗瀉寒林壁間懸松林瀑布圖一幅千載師  
襄業何人識此音

歸德暑內讀書堂作

我生如麋鹿性不耐城市況此官廨嚴束縛樊籠  
裏幸有讀書堂足可理經史寂無衆口囂相對二  
童子蒙故天機全正乃聖功始朗朗誦魯論傾聽  
亦悅耳告歸罷晚課乘閒曳遊履嘉樹聳墻垣綠  
葉蔭窻几缺處秋雲橫疑是遠山峙卽此慰遐心  
寤歌還永矢

秋月忽揚輝庭院涼如水參差樹影橫依稀荇藻



似愛此清宵步坐覺鄉思起別離正如昨歲月何其駛獻策方入都依人忽來此涼颺颯遠林重露摧芳芷萬物有興衰人心遞悲喜太息雪盈頭何曾肉生髀

贈屠南窓

蓮幕相逢若飲醇豪情俠氣見天真讀騷未屑稱名士把酒時還中聖人上客君卿談易肆如龍叔夜性難馴腐儒自覺形容穢握手偏多臭味親  
莊以揚約于九日泛艇城濠阻雨不果

獨有登臨興未灰城隅放艇擬追陪忽聞驟雨前

欄下如過催租小吏來寒菊不開重九節溼雲遙  
擁素玉臺客中愁緒憑誰遣與爾休停濁酒盃

題畫

自別天都六六峯十年襟袖軟塵紅興來欲寫宣  
州紙祇有家山在夢中

謝屠南憲惠糖蟹

稻蟹分來饜老饕薰人味似醉松醪一燈遙憶臨  
秋水半熟從知帶楚糟好與香橙同入座惜非佳  
節伴題糕平生未識杯中趣左手空煩舉雪螯

落葉

客心驚落葉始覺歷秋冬  
浙瀝空階雨深沉半夜  
鐘解衣憐瘦骨攬鏡失  
芳容莫自嫌枯寂來春  
綠轉濃

脣南窻五十初度

健羨先生杖履春雲中  
玄鶴見精神不須富貴誇  
翁子永與松筠作主人  
把酒恰逢長日至當筵應  
放小梅新前朝赤水流風  
在自有文章啓鳳麟

謁協忠祠

前有李韓後歐陽力排羣議扶綱常  
二公就死先後異要與日月同爭光  
南來姚闈配廟祀千秋公

義無不彰炳如春秋有聖筆寧煩游夏加贊揚顧  
我區區不能已二公恩與江流長若使當時棄城  
去羯奴乘勝爭跳梁尚衡進明叔冀輩被驅勢必  
如羣羊逾淮涉江肆殺戮遠及宣歙俱羅殃安得  
奏獻至靈武備給郭李能興唐二公捍禦誠有力  
登陴出陣人裹瘡縱使力竭城遂陷保障功已存  
南荒至今婦孺頌明德歲時報祀同烝嘗二公精  
英無不在福我壽我民安康況此地與同存亡魂  
魄猶應睠宋疆宋塘苕蕘樹鬱蒼環以睢水流湯  
湯靈旗風馬下雲表三十六人從翱翔我來瞻拜

作詩言金 卷一  
焚瓣香願公作此忠義氣永迴河汴波瀾狂使我  
田田宅宅樂無央

大雪喜甚因寫雪景并題四語

豐年有兆喜難禁下筆花飛枯樹林不用黨姬誇  
美酒飽餐麥飯腐儒心

遊文雅臺次壁間韻

臺上猶疑冠劍臨臺前竹柏綠垂陰地經奕代多  
兵燹碑云舊臺高廣兵燹後重脩規模頗狹小矣天護斯文閱古今武

叔可憐勞吠日匡人尚喜解聞琴伐檀一任桓司  
馬終遣流風振士林

欲尋勝地豁塵襟兼慰同儕仰止心

謂同遊汪朗巖莊以揚

放艇雪消添曉漲登臺雲湧起春陰梯航定此通

賢路

臺後有先儒祠額曰聖學梯航

詞賦從他振藝林

孝王時曾招鄉枚輩

遊詠于此

堂構何殊洙泗側可能弦誦嗣遺音

汪朗巖莊以揚約同饒梅田登歸德城樓卽

### 疊文雅臺壁間韻

怕牽鄉思罷登臨坐倚窻前翠柏陰朋侶忽來呼

日起客冬有約到而今試看靈運常乘屐誰遣成

連暫撤琴

梅田專精琴學入春月餘未出

好向高城同騁望春風

漸染水邊林

茫茫大地孰開襟觸我憑高弔古心橫笛無聲當  
月夕英雄有憾此城陰射人寒雪畱殘壘向客斜  
陽下遠林莫誦登樓王粲賦歸與長歎尚遺音

汪君朗巖自推生命惡其金之弱也乃改名  
涵金字顯白別號剛身質之于余余爲作  
詩以推其意

古人命名有五義申繡對較禮家備禮尤重冠旣  
三加欲敬其名易以字我讀歐蘇名字說獨取前  
人德命意是雖假借爲所稱會子愛身豈無謂後  
人推命配五行以名補偏能救弊汪君才畧迥不

羣唐書宋晝直餘事何乃饑驅南北遊未能芥拾  
青紫貴揆厥初度日值辛斗柄建午爲火位金逢  
大治過則災離入坎宮用交濟爰自更名曰涵金  
卽生爲養相附麗水清金白兩輝光珠玉藏川自  
明媚字以顯白號剛身義取般若參禪慧我思不  
壞剛其身必先浩然剛其氣筋骸膚革有由充剛  
氣必先剛其志丈夫之志窮益堅正似黃金得磨  
礪養身可以配山岳養德自當塞天地從此精英  
日上騰切玉剗犀無不利

遣李僕歸家



浮雲戀幽壑遊鱗返潛淵物情各懷舊孰忍久棄  
捐嗟我行四方以日復以年我心有所以爾僕胡  
爲然念爾有妻孥兩地相縈牽檢我篋中資買爾  
江上船慰爾歸思切免彼望眼穿預擬到家日恰  
當春暮天飛絮作寒食噉紙翔烏鳶非不念邱墓  
所苦惟饑寒作書付爾去爲我報平安

和趙紫山洞庭阻雪原韻

寒徹衾裯曉不眠飛花故壓洞庭船驚心節物三  
冬盡放眼乾坤一水連未遣君山臨杖底且驅白  
雪入毫顛倚樓自是吾家句才薄徒慚老大年

彭太守席上聽歌作

廿年七向玉京遊，顛顛春寒擁敝裘。  
燕市更無屠狗客，傾囊買醉上歌樓。

雲鬢何必杜韋娘，能亂蘇州刺史腸。  
況乃人間寒措大，平生未慣聽鶯簧。

贈別饒梅田卽次梅田別弟詩韻

遊子如浮雲，飄搖不得歸。  
東西與上下，各自從風飛。  
伊我行四方，事與心相違。  
每遇窮途哭，私訝吾道非。  
準擬旋故里，猶復滯天涯。  
偶與君訂交，能慰心所期。  
吾儕苦奔走，區區爲食衣。  
君才如健鷲，羽

翼偶一摧

梅田應已西北關鄉試雋而復落

雖然中道摧此志寧

肯灰會逢伯樂顧快脫鹽車轍相期在久要所苦  
在將離令弟江右來聚首曾幾時倉卒骨肉別劇  
增客地悲臨岐發幽吟迸淚如散絲丈夫懷遠畧  
安能長追隨君既難久畱我亦將去茲籥雲望千  
里搏風陋一枝燕臺高可扳束裝行無疑

題畫鷹

一幅喬松鐵幹橫蒼鷹穩立翠濤平壁間如有風  
霜色簷外都無鳥雀聲

烟巒雲壑暮陰陰未遂凌霄一片心也似英雄悲

髀肉暫時歛翮託長林

劉子高爲劉詰川作便面蘭竹劉來索詩書  
此應之

劉侯愛畫入骨髓能貌美人及嘉卉寫真名與曹  
翮爭折枝意與黃筌似偶然挾技遊中州中州貴  
公爭索求高陽酒人亦善畫與君邂逅心相投官  
閣盤桓經信宿爲君放筆作蘭竹動搖花葉生清  
風出入襟懷散幽馥君來屬我題小詩我詩愧非  
幼婦詞却念二公同臭味蘭爲吾友竹吾師

顏魯公八關齋碑

我生不識顏真卿但從青史知忠貞開元廢寺依  
宋城寺前石幢題公名幢高八尺橫八棱八百十  
字騫秋鷹細讀跋尾私撫膺會昌大中紛變更真  
跡亡難勅六丁遺文重勒煩登登如人已死畱圖  
形真贗貂狗誰敢憎

跋語有真贗懸越貂狗相屬之句

憶昔田帥

人中英負疾得瘳天所憑西方土木曾何靈散錢  
解衣爭輸誠上自官吏下編氓伊蒲盛饌招萬僧  
香花讚唄喧郊坰八關齋名取永明此事荒唐無  
可稱其人其書吾所傾中州金石文堪徵漢碑唐  
碣高崢嶸一自金元紛鬪爭詩書禍似遭焚坑空

傳邊相老子銘誰見褚公遺教經此石幸不燬于  
兵靈光巋然昭日星爾來河水經南行秋濤幾與  
平臺平有時泛溢穿千厓泥沙高已埋碑亭蛟龍  
偷負縱未勝或恐石泐如解冰字體剝落讀難成  
我來訪古攜兩朋謂繆東緯莊以揚諦觀水痕心尚驚何  
當遷此居高陵永與後人留典型時無張翮嗟誰  
能張翮國初人時石幢爲濠水所浸翮遷之于開元寺前覆之以亭

神禹碑

我生不爲魚稽古有神禹疏導至南荒刻石留响  
嘷聖人所手書精氣歷終古旋折蛟鼉蟠倒披鸞

鳳舞體陋秦相碣文壓周宣鼓明德歎夙仰遺蹟

快今覩韓公空涕洟沈鎰此摩撫

碑爲前明人沈鎰摹勒上石

欲讀苦怪奇會心通釋詁昔者高使君一麾蒞宋

土

高諱鏞前明人任歸德郡守

正值河患橫莫解天吳怒奔濤

忽而來夫鍤不及舉意恐樓堞傾勢作尾閭聚再

拜張銘文一紙成砥柱靈如鑄姦鼎力勝射潮努

罔象遽潛踪斯民得安堵爰與構碑亭永不蝕風

雨傳榻襍官吏囊佩及童豎應同何致本流傳遍

寰宇

同莊以揚繆東緯泛州歸德城濠

環城十里碧周遭蘆荻叢中放小舸誰解水嬉常

泛頰偶尋魚樂共觀濠南園公子文章古

南園侯朝宗花

園也中有讀書堂

西墅詩人甲第高

西墅宋牧仲尚書別墅

此日風

雲殊寡色臨流合與酌香醪

萬里西風送到秋澤蒲汀柳總添愁依人落拓羞  
彈鋏望遠蒼茫懶上樓倦客豈無司馬賦平臺不  
及孝王遊攜朋挈榼幽尋遍空對殘陽閱伯邱

訪宋牧仲尚書別墅

秋泛綠波村畔航渚蘆花白柳條黃尚書詩詠釣  
遊墅 天子額題魚麥堂自昔林泉稱勝地祇今



鳧鴨亂斜陽愴懷倍甚三吳客躑躅松菴與芟梁

西陵六景有  
聽松菴芟梁

答雲起見懷之作卽次原韻

此身無可奈且復客遊梁不覺三年別徒增兩鬢  
霜老來成棄物灰死託空王祇有看雲意登高望  
故鄉

望遠空雲樹懷人夢屋梁袖中詩和畫

見明上人  
寄畫扇雲

起題

詩 牀下月如霜課讀憐桐子扶衰賴藥王書齋

無別況惟愛黑甜鄉

作賦尋東苑題詩過芟梁斯人皆蔓草閱世似春

霜飽食羅魚婢

歸德環城皆水小魚最多

閑情笑蟻王但教囊

有物策蹇便還鄉

### 遊中五臺

飛樓千尺騰霧起壓落林巒入地底神鼇力鎮歆  
不傾中突旁窪環一水我從清秋放艇來到岸山  
靈迎杖履探奇不待呼導師彷彿平生熟遊此往  
年寄讀台泉山山高地僻無往還祇有烟雲結心  
契每從枕席凌孱顏五臺勝景落西極身所未到  
魂躋攀馳阬跨谷倏千里忽逢紫府非人間朱堂  
華闕天中樹目眩意迷常窘步仰穿飛閣倚疎櫺

萬里蒼茫通指顧山川城郭鬱迢迢雁門遼水連  
天遙微風初起渤海動紅日欲上天雞號旁人笑  
謂此遊樂指點清涼真洞壑覺來將夢檢山經却  
少五峯雲外削一夢經今十六年胸中突兀橫林  
泉未能遊晉却遊豫文殊有院名同傳偶爾登臨  
亦前定萬事得失寧非緣不見納言田子聘昔時  
別業今祇園

田公前明通政司  
中五臺其別業也

次韻雲起排悶五首之一

遠遊費盡褚中錢負擔從人且息肩暫得分光隣  
女燭不教獨鼓子桑絃異鄉雖好非吾土生趣無

多迫暮年周易一編茶一盞閒階立盡夕陽烟  
趙壹囊無使鬼錢妄從人海與摩肩未能心死同  
枯木誰辨哀多賞獨絃作客直愁貧是病思家難  
度日如年倚樓送盡南歸雁飛入江鄉薄暮烟

雪月花時歛酒錢平生兄弟每隨肩眼前小別飛

塵劫

雲起書來得  
栢江弟計音

客裏悲歌咽管絃華髮不堪添

種種熱腸從此減年年學他幕麓丹青手

繩伯寄  
讀大幕

山來書云近  
日專寫山水

供養惟憑落紙烟

一囊安得買山錢便與漁樵笑拍肩滿腹但能如  
鼠飲機心豈復上琴絃他時聽雨真聯榻此日懷

歸尚隔年細把君詩燈下讀  
夢中江樹鎖寒烟

肖巖詩鈔卷七終

肖巖詩鈔卷八

涇上趙良霽肅徵甫著

王秋塋明府招同彭愛園沈又村陳理堂錢

黃山吳嘯鶴作消寒集愛園出觀何雪漁

爲馬湘蘭所作小印各賦長句余不與會

擬愛園作

王公仙吏今詩伯每逢暇日招詩客賦詩當作消  
寒圖拈題搜我篋中石石上畱小篆雪漁下筆刊  
是誰邀得名手作妖姬南國誇湘蘭題名崔董輩  
雅集西湖孺想當唱酬書在紙浣花箋尾紅斑斑

一技能通微精氣凝不毀固應呵護煩鬼神偶遊

劫灰潛濁水會看古鼎躍泗濱豈有珊瑚終海底

自從網出射陽湖老蚌抱珠光槁死

印出自寶應湖中劉餘齋

從漁人買之

出以相贈 劉惔吾老友好古竅索求百錢買得

一寸石贈我勝似琳瑯球我雖未諳籀斯法愛此

古色滿面疑蒼幽遂懇潘子作詩羅子畫同藏什

襲攜行遊歎我生太遲望古渺難覲往時稽呂交

亦痛山陽笛

劉潘二公皆已下世

片石雖存人已非浮生真

似駒過隙羯來宋署藏龍鍾得與賢侯相過從滿

堂豪翰多吳儂韻事好續前賢風但無女史貽焯

形我出此石羣拂拭高名永與傳無窮石乎石乎  
得不爲爾把酒欣奇逢。

書消寒第一集詩後卽次王秋塍原韻

一題拈與羣才共义手嘔心才各縱遂令片石生  
光輝名士美人藉增重珠玉隨風咳唾成連篇豁  
我雙眸明裝潢好與畫圖續什襲真欣美善併我  
於羣蚤若枝指未同清集承風旨發興常因僻是  
詩假名不敢書連紙

前詩擬彭愛閣  
作意欲藏醜

老彭與我稱

忘年目覩我詩心不然搜奇幸免蛟龍奪著錄恨  
無歐趙傳攜同湘笈求詩友務與作詩傳不朽快



從仙吏接雙鳧乞得陳王傾八斗

謂陳理堂

我欲從遊

苦不開高山在望阻躋攀況當懷古風流歇安得  
湖舟載翠鬟

雪珠分得十五咸五言十二韻

凍雲低不散天地似重緘細雪先成霰繁珠乍啓  
函無花飛小院有露滴寒巖探處龍疑卧拋來鶴  
誤銜蟻難穿曲曲人欲捧摻摻好綴青絲履寧粘  
琥珀衫浮光從月暗送響覺風嚴屋角鳴爭迸堂  
坳寂正嵌泉流凝豐石竹戛竄驚巖聲色疑俱似  
虧全悟大凡何嫌魚目混定免惹仁讓合浦非同

雨招還速應咸

易註物之相應莫速于咸

妙峯亭用李太白遊敬亭寄崔侍御韻

不見妙峯亭空吟淮海作陵谷變高深人事異今  
昨想當結構初攬勝俯城郭長隄十二亭窈窕衆  
峯躍天與覩山川朋簪集鸞鶴我欲快登臨一使  
心目廓飛雪滿梁園弔古委蓬藿羣英幸復逢大  
雅未雕索遠追蘇與秦千載相唯諾消寒續勝遊  
醉倒官梅閣

小寒晴暖農人望雪甚殷詩以催之用東坡

北臺韻二首

催詩曾借雨廉纖。催雪還持詩律嚴。飛霞偶成閩  
市米撒空未擬謝。家鹽寒消綠蟻開。官閣夢逐仙  
鳧到。部檐知有老農相望切。不堪旱塊碍鋤尖。  
猛風捲地正翻鴉。依舊南榮駐日車。晴到小寒過  
大雪。暖催冬樹續秋花。暫容挾纈歡迎歲。終笑操  
豚祝滿家。安得兆豐飛六出。預占麥飯飽饒叉。

嘉平十九日王秋塋明府招集縣齋爲蘇文  
忠公設祀出觀弇山尚書所刻東坡生日  
倡和詩一卷並追述秦中賓僚觴咏之盛  
各賦長句書于卷後分得我字

何物章蔡誠么麼謫公儻耳幸公禍豈知後世愛

公敬祝公溪毛肯酒迎神妥前有漫堂後弁山兩

君高名懸峩峩或刻公詩貯官閣漫堂刻施註蘇詩而屬門下士

爲之訂補訛缺或寫公容藏畫舸弁山家藏陳章侯畫坡公像每值公誕辰則爲

設祀文章政績並法公所幸遭時不與我公同坎

坷前者已死後者位太尊嗟我無由與之參燕坐

平生讀詩最愛韓與蘇但似書蠅攢紙裏安得如

賢侯親炙弁山相印可出宰古商邱仰止漫堂此

間左求師尚友有淵源以儒爲吏舒民瘼爰於嶽

降之辰設公祀折簡相招急星火應有花猪當座

陳但無雪鶴翻雲墮秦中觴詠雖極盛琴閣賓朋  
亦云夥豪吟筆可搗蓬嶽酣飲戶能浮大闢亦如  
聚星堂中續醉翁霜松風竹交喧歌自憐咫尺不  
得預芳筵時余以未解館不與于會秋鷹困被樊籠鎖我聞唯

陽舊是宋兩京輪蹄來往揚塵堞公昔還朝汝移

常會向此途載車輜高城雲氣接釣臺公獎邨城釣臺鄉

魂魄睠戀當亦頗我讀靈巖山館詩鈔愈慕公身

所刻賓僚倡和詩名靈巖山館詩鈔公其陟降我庭能鑒我

詠物四首

棉簾

風色逼簷端，緯蕭寧耐寒。  
裝成縣一桁，勝納日三竿。  
織且先生輟，居同伏蟄安。  
却嫌花月影，不許隔簾看。

暖鍋

鼎食厭羅列，園蔬嘉合併。  
滿盛從襍選，一氣鼓回縈。  
曲竇通風火，長筵亂沸羹。  
熟場清味在，相伴有茶鐺。

炙硯

山骨貯堅冰，揮豪苦未能。  
薄宜鎔白鐵

炙硯以錫爲之置燈

于下寒可炙青燈，噓氣層雲上。  
焚膏烈焰騰，更攜麩

炭火煖手寫溪藤

火箸

煨芋從寒夜圍爐撥紫雲  
避炎真束手借箸喜聯  
羣短小攜良便堅貞入不焚  
漫教遺寵妾留取解  
烟氛

除夕用東坡饋歲別歲守歲詩韻各賦三首

饋歲

大道不自私有無勉相佐  
結隣美處仁棄地惡遺  
貨芬薰宿釀濃博碩關豬  
大餽問人自忙閉戶吾  
獨卧爐冷寒襲衾燈暗  
鼠侵座中夜起繞壁陶行

蟻旋磨佳節憶鄉情遠遊悔我過賴有同心人新  
詩相唱和

別歲

人生日初出上山行較遲及此日欲暮下山疾難  
追獨酌餞殘臘所苦滯天涯一年盡今夕百端縈  
此時里巷陳笙歌邀客烹鮮肥燃薪各自照誰識  
遊子悲長繩不可繫窮老安能辭少年各努力看  
吾形已衰

守歲

三百六旬日速如電掣蛇流光一過眼誰得相要



遮風俗競守歲不睡將如何客居少鄉音雜坐憎  
喧譁臘酒尾猶婪臘鼓斷復搗意恐刻漏盡欲回  
星斗斜吾老但思卧不復嫌蹉跎送窮徒自擾祭  
詩何足誇

又用東坡除夕野宿常州城外二首韻

殊方佳節祗增悲坐對殘燈賦式微歡意每隨年  
共謝春光不與客俱歸盆分薪火情猶熱酒舉鄉  
風伴獨稀三載天涯逢此夕可堪衰老向人依  
半百勞生倏爾徂日歸還自滯中途年華煞尾婪  
于酒雪色蒙頭信似符莫笑賣癡連巷陌翻嘲吟

苦斷髭鬚故園風俗猶堪憶準備春盤饋土酥

### 喜雪

豐年有兆不嫌遲集霰飛花慰所思 主聖知能

錫民福月正幸未入春時

是歲正月十二日立春  
初九日雪猶冬雪也

漫將柳絮從人較竹盼來半向我貽此是元宵同

樂處何須燈火照通達

饒石溪以漢瓦見惠詩以酬之

祖龍烹六國土木侈阿房赤帝斬白蛇宮闕崇未央  
至今太紫圓方亦何有豈惟楚人一炬無金湯  
空遺碧殿瓦埋沒荆榛場誰歎好事琢爲硯長篇

詩已傳朱王饒君江右佳公子翩翩裘馬遊咸陽  
漢宮遺跡踏尋遍建章甘泉暨長楊竭來訪舊過  
梁苑隨行金石堆陸裝贈我瓦當最足寶圓如古  
鏡舒清光背篆長生無極字筆法高古非凡將坐  
令端溪龍尾尖顏色銅雀臺瓦安能與之相頡頏  
感君意氣與君厚惜君空有文筆披琳瑯何不戰  
藝遊 帝鄉掇取高第酬萱堂不然閉戶著書亦  
可喜雲霽山名山頭老屋留縹緗慎無裒糧襍被遠  
行邁去人歲月空奔忙

和王秋塋明府迎春東郊呈彭山泉太守二

首韻

催得芳郊快雪晴街前羯鼓隱雷聲循良舄下陽  
春到士女簪頭綵勝明已拆波心流浩浩將舒柳  
眼轉盈盈青旂拂處皆生意小草承暉亦解迎

聖主塵民念八徵大廉小法共相仍迎春詩已  
聯雲錦學步吾真愧壽陵老興尋來花是綵苦吟  
鏤得璧爲冰此身幸值昇平樂待看元宵徹夜燈  
立春日寶慈堂觀劇分得魚字七言十二韻

大造無私橐一嘘迎春春已遍郊墟堂開慈父春  
尤好曲奏梨園樂有餘紫陌頌聲騰士女華筵豪

翰萃簪裾鶯簧待送條風裏燕綵先搖鬢雪初笑

語叢中花鼓鬧

宋俗于迎春日多打花鼓盡正月乃止

衣冠場上錦

瑜舒舞翻遲日停朱馭歌過行雲繞碧虛何用滑

稽思郭禿真令靈爽到華胥預排寶鏡燃蓮炬

寶鏡

謂影燈

便倒金尊泛玉蛆坐客心應拚酩酊主人辭

欲放瓊瑤戲仍角抵歡同物詩比吹竽濫及予兩

醉紅裙聊復爾

浙正己兩觀劇于寶慈堂

九招雅集靜相於

是會

爲消寒第九集

爲君早報豐年兆繭卜燈宵乃夢魚

爲陳九理堂題第一聲圖

不爲雲郎獨繫情遠遊何處聽新鶯披圖記得林

泉趣恰似攜柑第一聲

中年陶寫須車子累塊消除借叵羅別有心腸非  
畫筆風前小海扣舷歌

贈別陳九理堂

時遊固始

漢魏以後推唐風高蹈始自陳射洪宋俗元纖明  
復古後勁乃有陳人中君家詩筆妙天下豈惟尺

牘稱孟公弇山開府今宗工英才集盡收吳儂

畢秋

帆尚書刻吳會英才集

就中君與王大令

謂秋

暨洪孫楊稱

文雄我讀其詩苦不見得見大令心融融梁苑倦  
遊君復至一朝兩美欣相逢是時朔風吹巖冬平

臺兔闌雲幕空縣齋雅集羅萍蹤滿尊酒泛珍珠  
紅醉來落筆如渴虹長吟短詠無不可高燒銀燭  
催晨鐘我老才薄勉酬唱願如韓孟聯驅蛩乍來  
慰人思鬱鬱忽然別我行怱怱橐筆遠從蓼國去  
鹿崖雲樹遮溟濛君才豈以冷官老

理堂舊任  
蒙城學博

看振步蓬萊宮

理堂于是年秋間  
往應順天鄉試

國朝文章盛

千古雲日光爛開羣蒙承明著作須大雅不放箏  
笛參鐘鏞來春我亦遊 帝里能否得附雲蓬鴻

題吳嘯鶴沅湘鼓棹圖卽次原韻

賈李吟詩處洞庭楓葉秋斯人不可作之子乃其

流一與梅里別六從荆楚遊扁舟來往熟相狎有  
沙鷗

應爲作詩苦清臞成倦仙騷人怨搖落帝子弔婁  
娟鼓棹望難卽披圖思渺然此中著我輩未屑乞  
時憐

代彭愛園題吳嘯鶴小照卽送歸里

從來名士半離憂六渡湘江鼓櫂遊欲弔三閭何  
處是菖菴蘭芷共汀州

史公奇氣鬱難伸北涉南遊不厭頻怪底新詩籠  
百態胸中雲夢浩無垠



省齋詩鈔

卷八

梁園勝地暢勾留，忽漫分離可自由。  
歸去鴛鴦湖裏，權懷人時上月波樓。

題吳嘯鶴梁園近作後卽送歸里

吳子示我梁園作，快似金篦刮睛膜。  
就中一卷消寒詩，字字驪珠光爍爍。  
憶昨觴詠集縣齋，賓主東南盡鸞鶴。  
劇談無底囊可傾，豪飲有時履交錯。  
作客能忘異地悲，依人且縱新知樂。  
豈知會難別苦，易倏爾羣離居。  
獨索望遠常迷古蓼城，題詩誰訪清冷閣。  
理堂會賦困眠令我懶窺園，告別逢君忙躡屩。  
三月宋城鶯亂飛，長堤花落烟柳垂。  
官閣餘

寒消未盡驛亭春色送將歸君歸獨泛鴛湖懼古  
木嶠山展清眺自有林泉可著書慙余僕僕風塵  
貌

和彭山泉太守新春羨同人泛舟城濠原韻

幕府三年荷寵光城濠得暇便浮航況當晴放東

皇日恰遇招同北海觴

時屠南憲于舟中設飲

匝岸樓臺臨

曉鏡迎人梅柳弄新妝投詩已盡朋遊勝欲和陽

春費審詳

次吳嘯鶴留別原韻

生憎紅藥拂危欄人戀將離酒戀殘送客恰隨春

色去懷鄉頓覺帶圍寬大弨挂壁憐豪士

錢黃山病眼久

而不絳帳垂堂想冷官

陳理堂設帳固始

雅集似遭神物

妬新詩漫欲付雕刊

原詩謂欲刻消寒集詩

和彭山泉太守示兩兒詩韻

學深氣平靜不誇作爲文章書滿家加餐努力由

少壯盛年一失吁可嗟我師文行今永叔

謂去櫺夫子

門庭濟美抽蘭芽君由柱史典名郡挽鈴愛及棲

林鴉膝前二子皆總角笑語已燦詩書華閉戶朝

課簡編積焚膏夜吟更鼓搗我本門墻舊桃李枯

枝不放春前花和凝衣錦竟何託楚元酒醴母乃

奢講席愧無疑與析義方幸有詩維嘉勉讀父書  
述祖德不在官貴施漆杖

簡陳九理堂二十四韻

相彼猶求友何人願索居暮雲迷遠道落月照前

除景觸消魂後情縈識面初梁園成會合仙吏得

依於謂王秋投刺門登李自延賓榻下徐謂理一

尊浮傳葉九詠燦瓊瑤蘭臭方燕子驪歌忽棄予

驛亭寒未盡酒伴興俱疎樹密臯陶國塵荒闕伯

墟遙思懸絳帳正可富經畬弟子稱連壁先生足

五車登臨囊貯錦著作筆凌虛蠖屈棲蓮幕鵬窻

貯石渠翹瞻騰渤海俯愧守蓬廬暫遣師資闊誰

將鄙吝祛縣齋趨杳爾

自理堂別後引久不至縣齋

越客賦歸

與

吳賦鶴于三月歸嘉禾

權鼓鴛鴦去春催芍藥舒斬愁流

水似度日小年如難命長途駕欣傳尺素書

時得理堂

書藏應三歲久讀已百回餘谷寂聞音喜心枯借

力嘯恍能通譬坎奚異接簪裾有待聯萍跡無忘  
載德輿試看韓孟誼終始比蛩驢

喜雨寄王秋塋明府

雲峯生屋角雨點洒林垌膏澤隨仙履歡呼到訟

庭親民官有序望歲意無寧舊祝三冬雪

客冬晴暖無雪

明府作  
詩催之

私憂百穀蠱歷春逢旱魃焦土困租丁誰  
奏劉城鼓旋傾李靖瓶兆邇方坼畝離畢已占星  
蔭益槐窻綠光回麥薰青著勤宜載筆志喜合名  
亭着地真成粟疏泉較勝醜田翁欣躍雀旅客潤  
黏萍爽自披襟襲聲從徹夜聽休徵皆 主德善

禱豈巫蠱

時有方  
主祈雨

讀易欽无妄吟詩美既零奚愁

炊等玉且可啜連劍惠我推循吏名應上 御屏

送繆東緯入都應試

等是饑驅託舌耕三年蓮幕共燈檠知心想我多  
疎懶論事慚君獨老成暫貸監河資鮒轍終圖吹

息展鵬程燕臺千里從茲去無奈尊前別緒縈

曉星殘月颺鞭絲且共菖蒲酒一卮春雨久蒸蘭  
澤臭秋風應茜桂林枝出門獨向長安笑作客誰  
廢雪苑詞臨別贈言君記取貴來莫忘讀書時

遊宋牧仲尚書別墅

尚書池館綠波村壞壁頽垣舊漲痕一自洪流成  
小劫猶留遺像鎮乘門像在妙香巷後小祠綿津集擅坡仙

勝清德堂銘 聖主恩清德堂聖祖賜額賜菓有園無

馬乳徒多怪石向人蹲屬經河忠惟留假山數堆

魚麥鄉風樂事存故園松菊待欣奔十年開府留

江左二字西陂比范村

公乞自北于

御書西陂字欲勝宋賜范石湖書勝

地久荒隣馬冢

賜書猶在裕桐孫嗟余亦是三

吳客不及同時託掃門

爲巖貫中題倚闕圖

風塵十載京華客袁渚鈴雲萬里隔袖裏常攜倚

闕圖晨昏如得承顏色嗟君至性真過人豈忍登

高念得役壯志嘗羞溫嶠裾綠養偶思毛義檄孰

意梁山風雨急思親忽作枯魚泣饑驅一出不自

由膳備三牲歎何及往年我亦遊京師正值郗超

入幕時南昌夫子賞筆札謂從唐晉窺籬籬

貫中



小楷爲彭芸  
繡師所賞

禮以弓招任書記翩翩裘馬通雲達

黃綬飄香行作吏麻衣如雪促南歸歸途相見一  
凝佇面垢頭蓬太辛苦南山負米縱無由瀧岡表  
阡猶可補不則守身如淵冰蓬戶獨懷君子行是  
謂成其親之名試向圖中問賢母幸哉有子心應  
磨

舊扇

葵扇亦求舊攜來懷袖中尚堪遮畏日復此播仁  
風怨重憐班女恩多憶謝公微塵蒙拂拭不負素  
心同

夜起

伏枕不能寐，衰年多病侵。  
披衣下床席，玩月步庭陰。  
暫此息羣動，因之觀道心。  
靜中原有物，氣象正堪尋。

十二硯樓歌爲陳季馴作

元龍高卧百尺樓，樓中寶氣騰清秋。  
象犀珠玉何足算，古硯啓匣光幽幽。  
紫雲有待踏天割，潛璞每思沉水搜。  
端溪歛山爭蘊秀，得一已足誇時流。  
何況羅列物之尤，計數恰如星一周。  
梁園文雅夙稱優，我來不復逢枚鄒。  
公子南園失遺址，尚書西塾

成荒邱當時豈乏件鼎卣兩家子弟棄不收俗手  
塗鴉那用此遇君始非珠暗投片石不惜傾囊酬  
快如壯士逢吳鉤摩挲劇于十五女秘藏珍似大  
小球有時臨池清興適自研松麝漂輕漚香霧微  
茫翳秋月澄潭天嬌騰青虬揮毫展紙苦難給一  
朝役盡十二侯人生樂爲知己用硯乎幸遭集古  
歐嗟我拘繫鷹在鞬倘得暇日從君遊如披烟液  
入巖穴坐對古色消煩憂

題陳易齋秋樹讀書圖

新涼動遠林獨坐滌煩襟暇日一開卷悠然千古

心裏人秋水闊感物候蟲吟我欲結神契蒼蒼雲  
壑深

又題易齋小照

讀破人間萬卷書自應橐筆玉堂廬  
虞集詩咫尺玉堂廬何  
會骨相宜邱壑凝絕長康寫幼輿

贈汪剛身

之子悔豪遊風回闔海舟  
迓余稱莫逆論道景前  
修囊罄文爲富學成星屢周  
還家尋舊雨尚是阿  
蒙不

我本拘墟者君真大雅羣  
心虛常問字舌在敢論

文艷不搜徐庾高能摘典墳自今稱妙手書畫漫  
云云

料塚四十韻

周詩頌翁河禹貢紀宅隩 聖人廣懷柔河伯敢  
雄驚思患迨未然有備乃無悞爰從清晏時預飭  
脩防教稽古若堯湯遭時尚旱澇自非聖治周焉  
使民病療蘓茲川谷形判從天地與居材各因制  
利用自呈效洪流始潛出重源誰能造晉秦扼其  
衝徐豫苦爲暴一曲益邁勁千里速騰越況當秋  
夏交每遇風雨瀑漲挾淮濟流崖迷牛馬貌吁惟

惡浪屯猛如大木標或傾千畝墮或摧危棟橈避  
患或緣山全家或假權下民惟曰杏海若漫相笑  
欲謀莫田宅應急固堤埽淇園竹既空東郡薪亦

耗種秫滿川原儲糧穿竇窖釀可稱兕觥薦亦嘉  
普淖敗葉徒供炊秉杆用充料官買已先期民輸  
寧緩報但擇燥溼宜未忍錙銖較車載積穹窿麻  
約整顛倒層累前見凌葢覆後如燾積聚待循行

薄物增戀嫪梁園勝夙稱客歲遊始到何曾職牧

民但比枝棲鷄忽聞秋汛來已使我心悼

庚戌秋  
河溢承

城及傷山口  
夾而患始消  
魚鱉萬家愁  
畚鍤千夫譟  
是時求藁

肖巖詩鈔

卷八

韎直勝沉圭帽碭山決下流睢盪免沉澳脫險荷  
生全把酒相慰勞緬懷敷土後誰擅治河妙八流  
闕固私三策鑿尤冒地理各有宜古法非可膠於  
古惟捍災至今兼博漕增土薄宜培刷沙滯先導  
疏築利兼行欲爲當事告

觀徐梅巖摹東坡笠屐圖卽用集中贈寫真

何秀才詩內問君何苦寫我真句爲韻得

何字

陳蕃懸一榻惟待徐穉過詩情同臭味畫筆尤媼  
娥不肯寫凌烟但欲圖巖阿西望峨峯下俯嘉

陵波鍾爲玉堂仙悲此春夢婆放浪嶺海跡晴暹  
田間歌日從諸黎遊不阻大雨沱木屐假老農草  
笠從大羅邑犬固多怪羣小能無訶懷古竊嚮往  
寫真費揣摩欲傳蕭灑姿奚假冠弁我往者宋漫  
堂錢版蹟未磨漫堂尚書刻施注蘇詩摹笠屐圖于卷端近者靈巖館  
老蓮筆若何開單秋帆尚書藏有陳章侯畫東坡像人人好自適用詩  
中若云好之聊自適意豈止百東坡水嬉易變滅絹繪耐按  
抄安得靈氣通相與聯吟哦

凍豆腐

屑豆成芳乳凝水貯小盤何曾嫌臭腐雅喜歷巖



寒凍處蜂房簇烹時獸炭攢食餘須煮茗手取雪  
花團

秦瓦枕歌爲王秋暉明府作

王喬出宰名藉甚但許寫書不作枕偶逢秦瓦市  
得之銅雀甘泉遜題品青熒微帶土花斑沉漆如  
粘水雲濤咸陽遠道疑莫致李相篆書明可審知  
出阿房三百里已閱人間二千稔差勝臺山產木  
綬恰與詩人壓衾錦始皇敲撲雄虎視六合驚奔  
似魚淪已令大澤揭千竿猶向蓬瀛求寸莖統傳  
萬世太奢望瓦紀長生亦勤恁其人雖醜物則珍

我心欲唾口還噎遙思長夏苦赫曦淨掃空庭展  
蒲衽殘書拋去待山肱此瓦攜來可支頰祇今風  
色正淒凜着手摩挲猶噤瘁擬性琢硯付良工好  
寫新詩佐豪飲

贈包醉耕

君家包老是閩羅幾見河清笑齒嗟入世不應徒  
自苦且憑豪飲發狂歌

官署相逢兩月畱管絃吹散此心愁從知哀樂中  
年聚況乃樽前賦遠遊

時予將有  
長安之遊

巧擅人間技百端窮通數借斗星看憐余老去猶

爲客謬許來年作冷官

睢陽訪舊

尚書雅富綿津集六景親題別墅詩誰作客來遊  
雪苑不攜樽去訪西陂和松菴老秋風肅放鳴亭  
傾怪石支和松菴放鳴亭六景之二猶有堂存清德字 主恩  
深重繫人思

右西陂

夷門公子黨人魁文筆新參復社來從此高名歷  
汪魏宋牧仲刻叔子鈍翁朝宗三家古文悔將非體逐鄒枚秦淮花  
月猶牽憾兔苑干戈剝可哀欲向南園尋舊跡讀

書堂已委蒿萊

右壯悔堂

題斜川集後卽用集中次淵明遊斜川詩韻  
斜川一卜築林下成真休惟和淵明詩肯與師成  
遊善誰存直節固窮涉末流自鼓海南柁已狎沙  
邊鷗我欲搜遺文苦難辨黎邱道人固不俗季虎  
殊寡儔陋彼蜀賈黠莫此高價酬近蜀中有新刻  
斜川集實隴洲  
道人魯鼎自爲爾秦鏡能逃不一朝獲真本百讀  
詩也  
消煩憂尚有金薤篇願勅六丁求

又題斜川集後

南浮瘴海幾人回生死追隨亦孝哉大典尚存予

季集

斜川集從永樂大典中搜出

小坡無愧乃翁才詩吟驥子

憐成癖字讀金根誤可哈誰似蘇門猶有後斜川  
手自闢荒萊

從歸德入都

馬卿抱病遊方倦王粲依人賦可哀準擬南轅還  
北轍又從梁苑訪燕臺驚飈捲地吹飛藿殘雪融  
春上老梅策蹇便隨歸雁去雲邊矯首望蓬萊

虞城商均墓

丹朱肯讓虞商均亦遜夏所遇皆聖人非敢輕天

下許由巢一枝善卷逃諸野豈有勳華時而多高  
抗者彼皆託寓言此則膺國社王家備作賓典禮  
亦優假盛德宐世祀象賢承天嘏我來訪東虞封  
土猶覆厦碑殘或礪牛陵存宐下馬所愧馳塵塗  
無由奠芳俎誰能表幽潛於此樹枌欗七篇稱不  
肖肖聖古來寡

金鄉縣

此地古緡防遺墟浩莽蒼孤城環土阜斷塔出斜  
陽享客乏雞黍論交思范張梁園迴首近今夜宿

金鄉

濟寧州

風斷蛟冰抱郭流陸資車馬水資舟烟雲合處干  
塵市河濟中間萬戶州魯酒欲呼仙客把南池不  
及杜陵遊廿年此地空回往顛顛征塵染做裘

道中偶作

五考白傅裘萬問杜陵厦平生抱鄙懷如病結癥  
瘕坐令京洛塵得染寬閒野閉戶閱三年襍被馳  
兩蹠暮宿村烟昏曉行風燈炮旅況借疲童鄉夢  
兀瘦馬燕山雲外立黃河天上瀉道逢昨暮兒往  
往出跨下行路難備嘗流光去不假覽鏡去髮皤

撫躬汗顏赭非無先人廬與結老農社詩書未云  
亡犁鋤亦堪把所苦許身愚不貴知我寡夙志苟  
無成浮榮豈難捨和璞自完真祥金不躍冶固哉  
洗耳徒陋矣曳裾者

抵京假寓八旗官學示姪雷生

自梁遊燕道阻遐旬有五日馳輕車霜風射人徹  
肌骨手皴面坼雙眸花得卸行滕脫芒屨入門安  
晏如還家三年離緒縈夢寐一朝見面翻驚呀名  
場通塞自前定塞何足愠通何誇此身不死學不  
輟理無久繫如匏瓜胡爲霜蹄偶顛蹶遂令二豎



尚書詩鈔 卷八

二二二

相交加

姪以壬子秋闈報罷櫻疾幾殆

朝廷以爾厠講肆升斗

已足償修娉弟子青衿羣鼓篋先生絳帳常懸紗

時姪補紅

槐廳人散日初落燈窻夜讀更三搗高

旗教習

文且其搜董策先鞭豈足悲劉笳

時同館有二熊公中式

試

看爾伯八借計滿頭霜雪垂鬢影何曾自作窮途  
嗟

與鄧稼軒熊葵園沈幼韓同飲

三君皆紅旗教習

解鞍恰好值花朝便向花間挂酒瓢況有諸君如  
叔茂敢辭多酌擬寬饒春風榻肯分瓊坐遠道魂  
煩剪紙招從此槐堂容寄寓劇談常與接清宵

和朱錫三登岱原韻

會傳岱岳是天孫，邑內名山孰比尊。  
下界蒼茫迷積氣，中峯紫翠射初暎。  
青圭應以三公視，玉牒難從博士論。  
羨爾扶筇凌絕頂，吟成梁甫坐雲根。

小天門上大天門，天外珠囊手可捫。  
齊魯分疆從向背，陰陽異道各朝昏。  
磴盤松檜迷千曲，氣壓亭定心尊滄海似杯河。  
似帶登臨幾欲隘乾坤。

僭旅曾經記魯論，巖巖氣象果爲尊。  
漢封已共神光杳，秦雨猶連谷響奔。  
海雜島夷瞻右影，山傳方士語無根。  
茂陵何事留遺稿，千古重編典禮門。

行旅言金 卷之九  
醯雞守甕踈攢禪地界拘墟眼界昏安得一峯橫  
鳥道盡收九點掃烟痕人間婚嫁完何日海外神  
仙隱有村我未與君從控鶴山靈應笑俗緣存

舟行

北上纔租蹇南歸又買舟備嘗行路苦真悔輟耕  
遊 帝闕雲陰迥天津海色浮故鄉何日到應及  
薦新秋

爲胡星五題壯遊圖

生年過半百夙志未得伸敝車與羸馬僕僕馳風  
塵雖無光範書屢閱京華春旅食正悲我壯遊乃

羨君君家世濟美若翁尤善文筮仕終冷署著作  
徒等身學未究所施澤應裕後昆滋畹樹蘭蕙繞  
膝如荀陳君才更傑出快嚙庠秋旻誰抱風雲懷  
而甘泉石淪固應擔琴劍遠道交蹄輪國南雖暫  
息一顧終空羣披圖知有意妙手爲傳神長橋駕  
遠空高峯立嶙岫馬卿志題柱梁公苦望雲暫歸  
奉甘旨兼能課兒孫喈喈雛鳳聲翩翩跨馬人  
寫其令嗣跨馬隨行于後隱示着鞭急遙指紅杏新喬梓爭樹  
立指顧天池濱余歸將鍵戶欲遊羞囊貧

端陽

祇是曹騰過都將歲月忘舟人進蒲酒此日忽端  
陽插鬢榴花赤翻風麥穗黃客中無角黍誰與弔  
江湘

滄州阻風

我欲向南去風正自南來吹將惡浪高似岳輕舟  
欲進行掣回滄州城下三日住但見撲面飛黃埃  
檣頭旗脚吹不轉植椿繫纜無由開舟人坐卧沙  
草亂有如鷺鴨紛成堆借問中條在何處清光照  
我高崔嵬山人昔年執霜簡叫罷披腹呈瓊瑰當  
其鍵戶讀書日棲遲志若終蒿萊豈似後人誇弋

獲徒以捷足爲高材我生百事隨所遇得失去住  
心何猜任他北船疾于馬船頭搥鼓聲如雷

次韵胡星五舟中感懷

何地逍遙不任遊征鞍纔解又歸舟隨緣客作僧  
行脚覽鏡心驚雪滿頭此後蠹書須束閣當時鼈  
海安垂鈎南風未假輕帆便迢遞關河歎滯留

夾馬營

飛龍已闕千年世夾馬猶傳此地營深夜恰符天  
子祝異香真見聖人生尚餘土銼鄰家火何處枯  
萁阜檝聲虹繞星流光景杳隔林惟見夕陽明

武城縣

轍環憶向武城過偃也真逢笑齒嗟會破南荒種  
文學早從巖邑普弦歌割雞有吏刀寧易履坦無  
人徑已多欲訪琴堂棠蔭好輕舟風送去如梭

夏日炎長舟中無事爰取食物數種與胡星  
五賦之不拘體也

鳴卵

花鴨欄中卵攜來貯瓦盤天輪環外白鶴頂擘中  
丹未伏春塘乳能加遠客餐饑腸供一飽興寄五  
湖寬

大頭菜

和鹽會貯甕入市每堆盆老圃收嘉種吾儕嚼菜  
根名寧從果蔬味不混雞豚自顧頭如筆應慙此  
物尊

乾魚

紫鱖青鱸儘可漁鮮能縷鱸蕤何如已知入肆悲  
銜索不及臨河悔作書腸鮓夏行登俎候江湖樂  
憶唼蘋初憐他涸轍艱升斗便與田家伴菜菹應  
詩田家何所有  
酌醴焚枯魚

羊棗



安邑千樹棗物產記遷史我行燕齊間照眼垂紅  
紫土人秋落實小艇泛成市日長暫療飢味美比  
沉李稱名垂爾雅篤嗜懷狂士想見風浴時分甘  
及童子

豆腐

客遊不見花猪肉羹調菜根飯脫粟一肩菽乳賣  
河孺買得舟中佐餠粥我聞製此有術始劉安修  
道應餐霞與玉否則牛心駝峯亦可嚼奇珍豈負  
將軍腹何須細屑豆漿凝相將配食園蔬綠始知  
世上神仙徒應絕人間口腹慾大笑君卿爾何人

一生遊食碌碌可憐京國五侯鯖豈及中原庶  
民救我歸半畝守敝廬手拓一弓種修竹樊子農  
圃學豈非庾郎鮭菜貧自足暇看蟻磨作黎祈便  
罄沙餅醉醞醪回憶騎驢浪遠遊殘杯冷炙空相  
逐

西瓜

前山微雨收高柳午風熱闌下落輕帆靈瓜嚼冰  
雪

炊餅

已歎紅綾成畫餅何時糗餌試湯官一枚能救饑

自注言金影  
陽火聊共茶瓜進食單

肖巖詩鈔卷八終